

明

史

明史卷一百六十二

列傳十三

沐

英 子春晟弟晟子斌等

沐英字文英定遠人八歲而孤從母避兵母又死太祖與孝慈皇后憐之撫為己子遂姓朱氏年十八授帳前都尉守鎮江稍遷指揮使守廣信以其兵從征福建破分水關略崇安會大軍入閩別以兵破閩溪賊寨縛馮谷保始命復姓移鎮建寧節制邵武延平汀州三衛尋遷大都督府僉事進同知府中機務繁積英年少明敏剖決無滯孝慈皇后每愛重之數稱其才必曰太祖而太祖亦自器英久之命承傳抵厯

鄯祿諸部兵事有不便更置以聞。武十年充征西
副將軍。從將軍鄧愈出塞西渡黃河。略川威耀兵至
於崑崙。俘男女以萬計。馬駝牛羊十餘萬。論功封開
國輔運。推誠宣力武臣。紫祿大夫柱國西平侯。食祿
二千五百石。予世券。明年拜征西將軍。討西蕃敗賊
于其門峽。徑洮州。獲叛酋阿昌。失納。築城東龍山。擊
其副使。虜素子等諸蕃破擒之。平朵甘。納兒七站。拓
地數千里。俘男女二萬。雜畜二十餘萬。乃班師。故元
國公脫火赤等。從和林數寇邊。十三年命英總陝西
兵出塞。略亦集乃。渡黃河。登賀蘭山。涉流沙。七日至

其燒去穹廬五十里分軍為四翼掩禁之而自以統
騎衝其中堅衝殺夜進大破之擒脫火赤及知院愛
足等獲其全部以歸其明年又以所部從大將軍北
伐翼道出古北口克灰山四部度臚胸河執知院李
宣盡俘其衆尋拜征南右副將軍同穎川侯傅友德
永昌侯藍玉平師取雲南由辰沅徑羅鬼中下晉定
善安循格孤山而南梁王杞臣刺瓦爾密遣其平章
達里麻以兵寸萬距於曲靖英曰彼謂我師罷於深
林未有虞心及其無虞乃可破也會天大霧冒霧趨
蜀石泓霧霽兩軍相望達里麻大驚以為神友德欲

渡江英由未可我軍遠來疲甚亟濟懼為所扼乃率
諸軍嚴陳若將渡者而出奇兵從下流潛濟出其陳
後張疑幟山谷間人吹一銅角元兵驚擾英悉麾軍
渡江以猛而善泗者先之長刀蒙盾斫其軍軍却數
里師畢濟塵戰良久復縱鐵騎威之遂大敗之生擒
達里麻僊尸相屬十餘里長驅入雲南梁王走死右
丞觀音保以城降悉收其珍寶符印圖籍柑循其民
秋毫無所犯滇人大悅移兵分徇屬郡皆下之獨大
理不下大理倚點蒼山洱海為固又有龍首龍尾二
閘號陰要故南詔所築也土酋段世鑑之以奇英自

將抵下關分一軍由洱水東趨上關別遣一軍從石
門間道渡河拔點蒼山而上立明旗幟蠻人見之駭
亂英乃策騎亂流斬關而進山上軍亦馳而下表裏
夾擊大敗之擒段世遜拔大理分兵收未附諸蠻設
官立衛守之回軍與友德會滇池分道討平烏撒東
川建昌芒部諸叛蠻立烏撒畢節二衛而土酋楊苴
尋復煽諸蠻二千餘萬圍雲南城英馳還救之蠻聞
潰去竄入諸山谷中英分兵摧滅之斬級六萬明年
詔友德及王珙師而留英鎮滇中十七年曲靖亦佐
苗作亂發兵討降之因定普定廣南諸叛蠻通田州

糧進二十車討平浪穹叛蠻奉詔自永寧至大理每
六十里設一值留軍屯田明年百夷思倫發叛誘解
蠻入寇摩沙勒寨達都督寧正擊破之已而思倫發
復悉其衆寇定遠號三十萬英選騎三萬馳救之出
輕騎挑戰斬首數百獲一象英喜曰賊所恃者象耳
吾知所以破之矣令軍中置火炮及勁弩為三行象
差而陳度象近前行發不退次行發又不退三行
發翼日寇敗百象而前象皆被甲荷欄楯左右扶大
竹為筒筒置標鎗以標我師英分軍為三都督馮誠
將前軍寧正將左軍都指揮同知湯昭將右軍將戰

余曰今日之事有進無退因乘風縱砲萬弩並發諸
象皆敗果反建官軍乘勝逐北縱火焚其砦煙焰障
蔽有音刺亦者寇之梟將也方殊死鬪左軍小却英
整高望之取佩刀命左右斬帥首以來左帥還魂一
夜握刀馳而下奮呼突陳士無不一當百乘勢長軍
敵之不移時賊大潰斬馘四萬餘人生獲三十七象
餘象盡殫渠帥刀思帥斯郎理等各被百餘矢伏象
背以死思倫發遁去自是諸蠻震懼麓川始不復梗
矣已而會顯國公討平東川叛蠻又平越州叛酋阿
資及廣西阿赤部二十二年冬入朝賜宴奉天殿資

黃金三百兩白金五千兩鈔五百錠絲幣百錠遣還
陸辭帝親贈之曰使我高枕無南顧憂者汝英也既
還鎮再敗百夷之衆于景東思倫發窮蹙乞降貢方
物阿濟文叛擊之補衛盡俘其衆阿濟亦乞降於是
南中悉定使使以兵威諭降諸苗苗部有重譯入貢
者矣英後先鎮雲南凡十年卒年四十八卒之日軍
民巷哭遠夷皆為流涕賜葬金陵進封黔寧王謚昭
靖甫享太廟英為人沈毅寡言笑好賢禮士撫卒伍
有恩未嘗濫殺存滇百務具舉簡守令採農桑藏穀
屯田增損以為罰賞墾由是百萬餘畝滇池溢浚而

廣之無復水患通益井之利以來商旅辨方物以定
貢稅視民數以均力役疎節濶目民以便安居嘗請
書不釋卷暇則延諸儒生使講說經史聽之靡倦夫
祖初起時數養他姓為子每攻下郡邑輒遣之出守
養子多至二十餘人惟英之勲績在西南最大他如
徐司馬何文輝雖名賢將遠不遠也子春晟昂皆鎮
雲南斬駝馬都尉尚成祖女長寧公主
孫寧景春材武有父風年十七從英征西番又從征
雲南從平江西寇皆先登積功授後軍都督府僉事
拜往請且試職帝曰兒我家人勿試也遂予寶授寄

命錄烈山因不命鞠捕叛黨於蔚州所開釋各數百
人英卒命副將鎮雲南洪武二十六年維摩十一寨
亂遣翟能等討平之明年平越舊蠻立淵洽衛其冬
阿資復叛春與何福進兵討之春曰此賊積年通謀
者以與諸土酋為姻婭得展轉亡匿今悉發諸酋從
軍縻繫之使不得通而多設營堡相參錯制其出入
樞首必矣遂趨越州分道逼其城別遣將將精兵伏
道左而以羸卒誘賊賊悉衆出伏起四面縱擊大敗
之阿資亡入山谷中春陰結其旁近土官調知新在
樹壘斷其糧道賊困甚已而出不意掩其巢遂擒阿

齊并其黨沙陀等二百四十人誅之越州由是
遂平已而廣南酋儂貞佑糾群蠻拒官軍春督兵破
禽之俘斬千計率遠酋刀拜爛依交趾不順命遣何
福討降之三十年麓州宣慰使思倫發為其屬刀幹
孟所逐來奔春挾與俱入朝受上方略遂拜春為征
虜前將軍率何福徐凱討之先以兵送思倫發於金
齒檄幹孟來迎不應乃選卒五千令福與瞿能將而
往喻高良公山直搗南甸大破之斬其酋刀名孟回
軍擊柔罕寨賊承高據險堅守不下官軍糧且盡福
使告急於春春率五百騎銜枚倍道救之乘夜渡怒

江結旦抵寨下令騎騁而揚塵塵起蔽天賊不意大
軍將至望見大驚遂潰永勝擊崆峒寨亦潰前後降
者可七萬人將士欲屠之以立威春曰殺降不武竟
舍之於是幹孟乞降帝不許命春繼滇黔蜀之兵進
攻之未發而春卒年三十六謚忠襄春在鎮七年火
修苑政開田三十餘萬弘鑿鐵池河灌宜良潤田數
萬弘弘獲業者五千餘戶為立祠祀之無子弟晟嗣
晟字景茂少凝重寡言笑喜讀書太祖愛之授後軍
都督僉事進左都督建文元年嗣侯玘就鎮而何福
已破俞力幹孟歸思倫發亡何思倫發死諸蠻分據

其地最進兵討平之以其地爲三府二州五長官司
大於路江西置騰衝千戶所戍之麓川遂定初岷王
國雲南不法建文帝廢囚之成祖卽位復國蓋驕恣
歲稍持之王怒鐫歲於帝帝以王故召歲戒之而亦
貽書王稱其父功毋怙過歲歲鎮守自如永樂三年
公有大甸寇遣通貢使歲率師會車里木邦討定之
明年大發兵討交趾拜歲爲征夷左副將軍與大將
軍張輔異道自雲南入遂由蒙自徑野蒲新木通道
奪猛烈棚華諸關隘昇舟夜出泐水渡富良江與輔
會師共破莫邦城擒其末丙二都蠻諸賊巢禽偽王

黎季犛在輔傳論功封黔國公歲祿三千石季世
務既而交趾簡定獲叛命晟佩征夷將軍印討之戰
生麻江敗績于是輔再出率師合討破禽定機送京
師輔還而晟留捕陳季擴連戰不能下輔復出率師
會晟窮追至占城獲季擴乃班師晟亦受上賞十七年
富州蠻叛晟引兵臨之而弗攻使人譬曉之蠻竟下
仁宗益加太傅銜征南將軍印給之自是沐氏繼鎮
諸蠻予印以為常軍德元年交趾復叛晟率兵會安
遠侯柳升進討并敗寇晟亦還兵羣臣交勅晟宣宗封
其章示之正統三年麓川思任發反晟率兵抵金齒

與茅昂及都督方正會兵政為前鋒破賊沿江諸寨
大軍繼之遂北至高黎共山下再破之明年復破其
舊寨會政中伏死官軍敗績歲引還慚懼發病至楚
雄卒贈定遠主強忠敬侯父兄之業用兵非所長
戰數不利朝廷以其絕遠且世將寬假之而滇人憐
服歲父子威信莊事之無異朝廷每片楮下土酋所
具歲儀帝鄒迎盟而後啓曰此金舌也歲先後置國
暨田業三百六十處曰吾日食其一足矣珍寶充牣
庫藏後庭曳羅綺者數百人後使閩奴亦百十輩而
番事中責賂遺執政不絕以致得中外聲歲有子斌

尚幼嗣公爵居京師而以昂代鎮

昂字景高初為府軍左衛指揮僉事成祖將使晟南討因擢昂都指揮同知領雲南都司累遷至右都督
其統四年佩將印討麓川抵金齒畏賊盛還延者久
之泰將張榮前驅至芒部為賊所敗昂按兵不救尋
引還敗秩二級已而思任發入寇紫却之又捕斬師
宗斥者六年兵部尚書王驥定西伯蔣貴將大軍討
思任發昂主魏運賊破還昂都督令督軍捕思任發
不能得驥等獲出師索之緬甸破者藍而還十年昂
卒贈定遠伯謚武襄

斌字文輝。昂卒始之鎮。會緬甸執師。任發送京師。其子思機發以兵來襲。斌擊却之。已而思機發復據孟養為患。十三年。復大發兵使驥等討之。而斌為後拒。督餉無乏。卒贈太傅。謚榮康。子琮幼。以昂孫璘代鎮。璘字廷章。景泰初。以都督同知佩印出鎮。素儒雅。滇人易之。既而號令肅然。不可犯。天順初。卒。琮猶幼。璘弟璣時為錦衣副千戶。特命以都督同知代鎮。居七年。先後討平露祿諸寨及土官之搆兵者。降思卜發。勦還諸蠻侵地。功多。然頗黷貨。成化三年。春。琮始之鎮。而以璣為副。總兵移鎮金甌。

琮字廷芳通經義能詞章在鎮廉明屬夷饋幣無所
受尋旬南殺其兒之子求為守琮捕誅之廣西土官
盧所部為亂琮請更設流官民便安之以次討平焉
陸麓江劔川順寧羅雄諸叛蠻捕擒旬南窩反者並
破擒之卒贈太師謚武僖無子以璿孫崑嗣

崑字元中初襲錦衣指揮僉事琮撫為子朝議以崑
西平侯裔孫當嗣侯而守臣爭之謂滇人知有黔國
公不知西平侯也侯之恐為所輕孝宗以為然令嗣
公佩印如故弘治十二年發兵平龜山竹箐諸蠻又
平普安賊再蓋歲祿正德二年師衆民阿本作亂與

都御史吳文度督兵分三道進一出師宗一出羅雄
一出彌勒而別遣一軍按伏盤江截賊巢遂大破之
七年安南長官司那代以事襲殺土官寬後與都御
史顧源討擒之再加太子太傅寬初善文學自矜厲
其後通賂權近所要請無不得則寔驕凌三司使從
旁門入謁言官論劾者輒得罪去平贈太師謚莊襄
紹勛寬子也既嗣封而尋甸土舍安銓叛都御史傅
習討之敗績亡何武定土舍鳳朝文亦叛與銓連兵
攻雲南滇中大擾世宗遣尚書伍文定將大軍征之
未至而紹勛督所部先進告土官子弟當襲者先予

冠帶破賊盜以請衆爭奮直前搏賊大敗之朝文絕
普渡河走追斬之東川銓還尋甸衆猶盛列砦數十
官軍分哨夾攻悉破之銓走至芒部為所執先後禽
賊黨千餘人俘斬無算時嘉靖七年也捷聞加太子
太傅益歲祿而是時老撾木邦孟養緬甸孟密相仇
殺師衆納樓思陀八寨皆亂久不解于是紹勛使使
者徧歷諸蠻諷以武定尋甸事諸蠻皆惴伏願還侵
地而木邦孟養俱貢方物謝南人悉定紹勛有勇略
用兵輒勝然頗驕侈嘗歿氏夫攻石失理山崩使夫
多死又誘民獻田廣其莊都御史歐陽重建章糾之

下詔詰責而已卒贈太師謚敏靖子朝輔嗣
朝輔素驕貴既嗣封都御史劉渠索賂于朝輔朝輔
與之因上章言臣家世守茲土上下相承近者有司
多紛更典制閭閻臣職守率不與聞接見不循故例臣
疎遠孤危動多掣肘無以彈壓蠻方乞申勅諸臣悉
如其舊詔許之於是朝輔益驕給事中萬虞愷劾朝
輔並論渠詔罷渠而令朝輔治事如故卒贈太保謚
恭僖

朝弼朝輔弟也朝輔卒二子融翠皆幼詔視琮璘故
事令融嗣公給半祿而授朝弼都督兼事佩印代鎮

居三年融卒鞏當嗣朝弼心害之於是朝弼嫡母李
請獲鞏居京師待其長而還鎮報可鞏未至京卒朝
弼遂得嗣嘉靖三十年元江土舍那鑑叛詔朝弼與
都御史石簡發兵討之分五軍薄其城城垂拔以瘴
癘引還詔罷簡將再出師鑑懼仰藥死乃己四十四
年討叛瑩阿方李向陽破禽之又明年平武定叛酋
鳳繼祖破賊巢三十餘俘斬甚衆朝弼素驕事母嫂
不如禮數下詔切責朝弼不悛巡按御史王諱言朝
弼奪兄田宅因其嫂於是奪朝弼祿二年令有司獲
送其母嫂於南京朝弼又留母嫂不遣匿其黨蔣旭

等不以付有司人用調兵火符遣人入訶京師事聞
詔奪其火符名捕旭等朝弼遂稱疾不視事都御史
陳太賓請罷朝弼以其子昌祚權攝鎮事而會寧陽
侯夫人張氏省親雲南勅令就按朝弼家事久之寧
陽侯夫人還言朝弼母嫂實願留滇非朝弼持之朝
弼亦悉歸兄田宅蔣旭等分就吏乃以昌祚嗣封給
半祿朝弼怏怏益放縱會葬母至南京都御史請留
之詔許還滇母得預鎮事朝弼意欲殺昌祚都御史
御史交章言狀並發其姦人通番諸不法事詔遣緹
斷逮繫詔獄輸死援祖功免死銅之南京竟死焉

昌祚初以都督僉事總兵鎮守久之得嗣公萬曆元
年姚安蠻羅思等叛殺郡守昌祚與都御史鄒應龍
發土漢兵討之破向寧鮮摩等十餘寨犁其巢盡得
思等十一年隴川蠻岳鳳扶緬甸以叛旁近土司並
遣兵昌祚壁洱海督裨將鄧子龍劉綎等力戰姚關
斬木邦叛酋罕凌以暑瘴退師明年復進兵攻罕凌
破巢三道並入破禽其酋罕招等又破緬兵於猛臉
岳鳳降論功加太子太保悉食故祿復以次平羅雄
諸叛蠻再賜銀幣已而孟養思簡叛降於緬博緬兵
攻猛廣於是失集兵壁永昌緬人遁追擊至那莫江

瘴作而還二十一年緬人復入寇曷祚督軍逐之連
戰俱捷遂傳於緬會摩蠻內亂乃解兵沐氏鎮雲南
久威權日盛尊重擬於親王巡撫大臣往往謁及門下
車藩司以下蔑如也曷祚出僉事楊寅秋不避兵曷
祚筭其與人寅秋訴於朝下詔切責革其鎮守以予
赦代鎮武定土酋阿克叛攻會城脇府印以去嚴被
逮下獄曷祚復理鎮事卒孫啓元嗣卒子天波嗣
天波嗣封十餘年而土司沙定洲作亂天波奔永昌
就定復歸于滇桂王至滇天波任職如故從奔緬甸
緬人欲劫之天波不屈死初沙定洲之亂天波毋陳

氏妻焦氏自焚死此天波奔緬妻夏氏不及從自縊
死暴屍原野數十日不壞事平得收葬人以為節義
所感焉

論曰太祖蓋予視英也滇南之事英志身任之南方
既定經理有法墾田惠商諸政雖此之充國可也春
能紹修其業中朝亦嘉賴之數傳而後富強生驕難
言由禮矣天波丁未造無能有為而以身殉事大節
固虧補庶幾世臣之誼云

明史卷一百六十三

列傳十四

馮勝昆國用傅友德

廖永忠

馮勝定遠人初名國勝又名宗異最後名勝生時黑氣滿室經日不散及長雄勇多智畧與兄國用俱喜讀書通兵法元末結寨自保太祖畧地至妙山國用偕勝來歸甚見親信太祖嘗從容詢天下大計國用對曰金陵龍蟠虎踞帝王之都先拔之以為根本然後四出征伐倡仁義以收人心勿貪子女玉帛天下不足定也太祖大悅俾居幕府從克滁和戰三汊河板門寨鷓鴣山皆有功從渡江取太平遂命國用典

魏兵委以腹心陳瑩先既就擒太祖釋之令招其部
曲國用曰瑩先必叛不如弗遣太祖竟遣之果叛為
御兵所殺其從子兆先復擁大衆屯方山蠻子海牙
扼米石國用與諸將攻破海牙水寨又破擒兆先盡
降其衆三萬餘人太祖擇驍勇五百人置麾下夜令
環帳而寢悉屏舊人獨留國用侍卧榻太祖酣寢達
旦五百人者始安國用遂率以攻集慶爭效死先登
遂克之與諸將下鎮江丹陽寧國泰興宜興從征金
華攻紹興累擢親軍都指揮使卒於軍年三十六太
祖哭之慟追封郢國公謚先已積功為元帥至是命

襲兄賊與親軍陳友諒逼龍灣太祖禦之戰於石反
山勝攻其中堅大破之溺死者數萬俘七千人追至
采石又破之遂復太平從征友諒破其安慶水寨長
驅至江州走友諒進親軍都護從蘇安豐圍戰鄱陽
湖邊同知樞密院事從下武昌克廬州移兵取江西
諸路與諸將收淮東克海安壩取泰州徐達圍高郵
太祖令還泰州以勝督軍守將詐降勝全指揮康泰
率數百人先入城敵閉門盡殺之太祖怒召勝決大
杖下令步詣高郵勝慚憤力攻克之遂取淮安安豐
破擒吳將呂珍於舊館下湖州再遷為右都督從大

將軍達北征下山東諸州郡洪武元年兼大子右詹
事出小法賊一官為都督同知引兵克樂安邈河取
汴洛趨潼關守將迎戰破之遂奪關取華州還汴謁
帝行在授征虜右副將軍留守汴梁尋從大將軍征
山西由武陟取懷慶踰太行克碗子城取澤潞擒元
右丞賁成於倚氏克平陽絳州帝悅詔右副將軍勝
居遇春下偏將軍湯和居勝下偏將軍楊璟居和下
渡河趨陝西克鳳翔李思孫走臨洮獲薛平章等遂
渡隴取鞏昌進逼臨洮還從大將軍圍慶陽執張良
臣陝地悉平帝召大將軍還命勝駐慶陽節制諸軍

勝以聞陝既定輒引兵還帝怒切責之念其功大數
弗治而賞資金幣不能半大將軍尋復為右都督以
右副將軍同大將軍出西安檣定西破橫廓帖木兒
獲其士馬數萬分兵自秦州南出一百八渡徇畧陽
擒元平章蔡琳遂入沔州遣別將自連雲棧合攻興
元克之洪武三年授開國輔運推誠宣力武臣特進
榮祿大夫右柱國同叅軍國事封宋國公食祿三千
石予世券時橫廓尚在和林數寇邊帝患之五年大
發兵三道出塞命勝為征西將軍率副將軍陳德傳
茂德等取甘肅至蘭州友德以驍騎前驅再敗元兵

勝復敗之掃林山至甘肅元將上都驢迎降至亦集
乃各卜顏帖木兒亦降次別駕山岐王朵兒只班遁
去追獲其平章長加奴等二十七人及馬駝牛羊十
餘萬是役也大將軍達軍不利左副將軍文忠殺傷
相當獨勝斬獲甚衆金師而還會有言勝私匿駝馬
者賞不行自後數出練兵臨清北平出大同討元殘
寇鎮陝西及河南冊其女為周王妃久之大將軍達
左副將軍文忠皆卒而元丞相納哈出擁衆數十萬
數為遺害二十年命勝為征虜大將軍賴國公傅友
德永昌侯藍玉為左右副將軍率南雄侯趙庸等以

步騎二十萬討之鄭國公常茂曹國公李景隆中國
公鄧鎮等皆從帝復遣故所獲納哈出都將乃剌吾
者奉璽書諭之降勝出松亭關分築大寧寬河等四
城駐大寧踰兩月留兵五萬守之而以全師壓金山
納哈出見乃剌吾而驚曰爾尚存乎乃剌吾述帝恩
德納哈出喜遣其左丞探馬赤等獻馬且覘勝軍勝
已深入隄金山至女直若屯降納哈出之將慶國公
觀童大軍奄至納哈出度不敵乃因乃剌吾請降勝
使皇玉輕騎受之納哈出遂率數百騎詣玉玉與飲
爭讓未決納哈出欲遁去為常茂所傷不得去都督

耿忠擁以見勝其將士妻子十餘萬屯松花河間納
哈出傷驚潰勝遠觀童諭之乃降併得其所部二十
餘萬人牛羊馬駝輜重立百餘里還至亦迷河復收
其殘卒二萬餘車馬五萬而都督濮英殺後猝為敵
所乘死之常茂者勝婿也勝兒子遇之茂嘗不遜勝
素嫉之至是以捷聞并奏茂罪狀盡將降衆二十萬
入入關帝大悅使使者迎勞勝等械繫茂會有言勝
多匿良馬使闇者行酒於納哈出之妻求大珠異寶
王子死二日強娶其女失降附心又失濮英三千騎
而茂亦訐勝過帝怒收勝大將軍印命就第鳳陽奉

朝請而諸將出亦無封賞者勝自是不復將大兵矣
二十一年奉詔往東呂調番兵征曲靖中道而叛詔
勝鎮永寧撫安之二十五年命籍太原平陽民為軍
立衛屯由尋加太子太師附賴國公友德練軍山西
河南諸公侯皆聽節制時太祖次列剌功臣望重者八
人勝居第三太祖春秋高多猜忌勝功最多數以細
故失帝意藍玉誅之月召至京諭二年賜死諸子皆
不得嗣封而國用予誠積戰功雲南累官至右軍左
都督福王時進謚國用武翼贈勝寧陵王追謚武壯
列祀功臣廟綏哈出者元永華黎裔孫為太平路萬

戶太祖克太平被執以其名臣子孫待之甚厚知其
不忘元將遣北歸先既亡納哈出以大尉聚兵金山
畜牧蓄盛帝遣使招諭之終不報舉兵寇遼東為葉
旺所敗勝等以大兵臨之乃降封海西侯從傅友德
征雲南道卒子察罕改封藩陽侯其後坐藍黨死
傅友德其先宿州人後徙陽山元末從大盜李喜喜
入蜀喜喜敗從明王珍玉珍不能用走武昌從陳友
諒為別將無所知名太祖攻江州至小孤山友德率
衆降帝奇之用為將從拔安豐畧廬州還從擊友諒
於鄱陽湖操輜舟摧其前鋒被數創搏戰盡力復與

諸將邀擊於涇江口。既織友諒從征武昌城東南高冠山下。賊城中諸將相顧莫敢登。友德率數百人一鼓奪之。流矢中頰。後洞脇。不為沮。武昌平。授雄武衛指揮使。從徐達拔廬州。別將克夷陵。衡州。襄陽。攻安陸。破九刺。破擒其將任亮。從徐達下淮東。破張士誠。獲兵於馬驪港。獲戰艘千艘。大破元將竹貞於安豐。同陸聚守徐州。擯郿帖木兒。遣將李二來攻。兵寡度不敵。遂堅壁。伺其出掠。以二千人沂河至呂梁。登陸擊之。刺其驍將韓乙。執敗去。度且復至。趨還城。開門而陣於野。卧戈以待。約聞鼓聲則起。二果至。鳴鼓士躍。

起搏戰破擒二進江淮行省叅知政事從大將軍達
北征破沂州下青州元丞相也速來援以輕騎誘敵
入伏奮擊敗走之遂取萊陽東昌明年從定汴洛收
諸山寨渡河取衛輝彰德至臨清獲元將為嚮道取
德滄州既克元都偵邏古北隘口守盧溝橋畧大同
還下保定真定從攻山西克太原擴廓帖木兒自保
安還軍來援萬騎突至友德以五十騎衛却之因夜
襲其營擴廓倉卒遁去追至天門關獲其士馬以萬
計復敗賀宗哲於石州敗脫剌伯於宣府從攻張思
道下鞏昌臨洮會大將軍圍慶陽以偏師駐靈州遇

其援兵遂克慶陽還賜白金文綺又從大將軍檇定
西大破獮廓帖木兒移兵伐蜀額前鋒出一百八渡
奪畧陽關遂入沔分兵自連雲棧合攻漢中克之還
軍西安蜀將吳友仁寇漢中友德以三千騎救之徑
黑龍江攻斗山寨令軍中人持十炬燃於山上蜀兵
驚遁洪武三年冬授開國輔運推誠宣力武臣榮祿
大夫柱國同知大都督府事封潁川侯食祿千五百
石予世券未幾克征虜前將軍興征西將軍湯和分
道伐蜀和率廖永忠等以舟師攻瞿塘友德率顧時
等以步騎出秦隴太祖諭友德曰蜀人聞我西伐必

悉其精銳束守瞿塘北阻金牛以抗我師若出其不
意且擣階文門戶既懸腹心自潰兵貴神速但患不
勇耳友德疾馳至陝集諸軍揚聲出金牛而潛引兵
趨陳倉攀援巖谷晝夜行抵階州敗蜀將丁世珍克
其城蜀人斷白龍江橋阻軍友德修橋以渡破五里
關遂拔文州渡白水江趨綿州至漢江水漲不得渡
伐山造戰艦欲以軍聲通瞿塘乃剡木為牌數千書
克階文綿日月伐漢水順流下蜀守者見之皆解體
初蜀人聞大軍而伐丞相戴壽等果悉衆守瞿塘及
聞友德破階文擣江油始分兵援漢州以保成都未

至友德已破其守將向大寧於城下謂將士曰蜀人
破膽援兵至無能為也迎擊壽等大敗之遂拔漢州
進圍成都壽等出戰以巨象載甲士列陣前友德令
軍中以強弩火器衝之友德中流矢不退率將士殊
死戰象反走踰藉死者甚衆壽等聞其主明昇已降
乃藉府庫倉廩而縛詣軍門成都平分兵徇州邑之
未下者克保寧執吳友仁送京師蜀地悉定友德之
攻漢州也湯和尚領軍大漢口既得木牌於江流乃
進師而戴壽等撤其精兵而救漢州留老弱守瞿塘
故張忠等得乘勝擣重慶縛明昇於是太祖製平西

蜀文盛稱友德功為諸將第一師遂受上賞五年刻
征內將軍馮勝征沙漠敗失剌罕於西涼至永昌敗
柔兒只已獲馬牛羊十餘萬零甘肅討殺平章不花
降太尉瑣納兒等至瓜沙州獲金銀印及雜畜二萬
而還是時師出三道獨友德獲全勝以主將勝坐小
法賞不行明年復出雁門為前鋒獲平章鄧季雅帖
木兒還鎮北平陳便宜五事皆從之召還從太子講
武於荆山蓋歲祿千石九年剽中山侯和破擒伯顏
帖木兒於延安降其衆帝將征雲南命友德巡行川
蜀雅播之境修城郭繕閭梁因兵威降金筑普定諸

小寨十四年，劉大將軍達出塞討乃兒不花，渡北黃河，襲灰山，斬獲甚衆。其年秋，充征南將軍，率左副將軍藍玉、右副將軍沐英將步騎三十萬討雲南至朔廣，分遣都督胡海洋等將兵五萬由永寧趨烏撒，而自率大軍由辰沅趨貴州，克普定，善安降。諸苗蠻進攻曲靖，大戰白石江，擒元平章達里麻遜，擊烏撒，循格孤山而南，以通永寧之兵。達兩將軍趨雲南，梁王走死友德，城烏撒，羣蠻未爭奮，擊破之，遂果城得七黑關，以通軍節。又克可渡河，降東川烏蒙芒部諸蠻，說而烏撒諸蠻復叛，討之，斬首三萬餘級，獲牛馬十

餘萬竊翠朱欽皆降蠻地悉平進封潁國公食祿三
千石予世券十九年東川蠻叛復為征南將軍率師
討之破越州叛酋阿資平平越諸叛酋還練兵北平
從燕王出古北口副大將軍馮勝襲納哈出於金山
降其衆二十一年再副曲靖普安二十三年征沙漠
擒乃兒不花還駐開平復征寧夏明年征哈者舍利
追元遠王軍行遠全班師敵不設併潛師深入至黑
嶺塞山大破敵衆而還再出練兵山陝總屯田事命
兼太子太師尋遣還鄉友德音鳴號盡身冒百死自
徇裨聖大將每戰必先士卒雖被創戰益力以故所

立立功帝屢勅獎勞于忠尚壽春公主女為晉世子
齊煬妃二十五年制宋國公勝練軍山西河南明年
偕召遷又明年賜死弘治中晉王為友德五世孫璘
援古王例求襲封下禮官議不許福王時追封友德
麗江王謚武靖祀功臣廟

廖永忠巢人楚國公永安弟也從永安迎太祖於巢
湖年最少太祖曰汝亦欲富貴乎永忠曰獲事明主
掃除寇亂垂名竹帛是所願耳太祖嘉焉副永安將
水軍渡江拔采石太平擒陳瑄先破蠻子海牙及陳
兆先定建康克鎮江常州池州討江陰海寇皆有功

永安陷於吳以永忠襲兄職為樞密院總其軍攻
趙善勝柵江營復池州陳友諒犯龍江大時寒陣諸
軍從其後大敗之進同知樞密院事從伐友諒至安
慶他將將陸兵殺之而永忠破其水寨遂克安慶從
攻江州州城臨江守備甚固永忠搥城高下造橋於
船尾名曰天橋以船乘風倒行橋傳於城遂克之以
功進中書省右丞從下南昌援安慶戰鄱陽湖決圍
殊死戰張定遠直犯太祖舟常遇春射走之永忠乘
飛船追且射定遠被矢如蜚漢卒多死傷明日永忠
以七將載輦較乘風縱火焚敵樓船數百又與俞通

海等以六舟深入搏擊獲旋繞而出敵驚為神友諒
資奔及遠繫之徑江口友諒中流天死從征陳理分
兵柵四門於江中聯舟為長寨絕其出入理降攻湖
廣行省左丞取江西永下州郡從徐達取淮東張士
誠遣舟師薄海安太祖令永志還兵水寨禦之而徐
達遂克淮東諸郡從伐士誠取德清進克平江拜中
書平章政事尋克征南副將軍率舟師自海道會湯
和討降方國珍遂自海道取福州洪武元年兼同知
詹事院事累定閩中諸郡至延平與陳友定隔水而
陣分軍渡水破之執友定遂拜征南將軍以朱亮祖

為利由海道取兩廣永忠先發書諭元左丞何真脫
磨利害師至潮州真遣使籍廣東郡縣奉表來降並
求莞真率官屬來迎至虎頭山門降張元帥至廣州
降盧左丞破海寇邵宗愚平其山寨新會河源汲州
土豪作亂皆破斬之廣東之地悉定進取廣西至梧
州降元達魯花赤拜住平章者林海柳諸路皆降達
亮祖會楊璟收未下州郡永忠引兵克南寧降蘇州
兩廣悉平明年還京帝命太子平百官迎勞龍灣入
苑命太子選選第後出撫定泉漳三年從大將軍徐
達北征克蔡罕腦兒還授開國輔運推誠宣力武臣

榮祿大夫柱國封德虔侯食祿一千五百石于世蕃
明年以征西副將軍周湯和率舟師伐蜀和駐師大
溪口永忠率所部先發及舊夔府破守將鄒興等兵
進至瞿塘側山峻水急蜀人設鐵鎖飛橋橫據閘口
舟不得進永忠密遣數百人舁小舟踰山度閘出其
上流人持糗糧帶米筒以樂饑渴蜀山多草木令將
士皆衣青叢衣魚貫出崖石間蜀人不之覺也度其
已至率精銳出墨葉渡夜五鼓分兩軍攻其水陸寨
而水軍皆以鐵索船頭置火药而前黎明蜀人始覺
盡銳來拒永忠已破其陸寨已而將士舁舟出江者

一時俱發上流揚旗伐鼓而下蜀人出不意大駭下
流之師亦擁舟前進發火器夾攻大破之鄒興死遂
焚三橋斷橫江鐵索命同僉蔣達等八十餘人飛天
張鐵頭張等遁去遂以夔府別日和兵始至乃與和
分道並進和率步騎永忠率舟師期會於重慶永忠
乘勝衝重慶次銅鑼峽蜀主明昇請降永忠以和未
至辭不受和至乃受昇降承制撫慰下令禁擾掠有
一卒取民七茹永忠立命斬之慰安戴壽向大亨等
家令其子弟持書往成都招諭會傅友德已破壽等
壽等得書遂降蜀地悉平帝製平蜀文旌其功有傳

一廖二誥褒賚甚厚明年北征至和林又督舟師出
海捕倭尋還京初韓林兒在滁州太祖遣永忠迎歸
應天至瓜步獲舟死帝心若弗善也大封功臣帝諭
諸將曰廖永忠戰鄱陽時奮勇忘艱與敵舟相拒可
謂奇男子然而使所善儒生窺朕意嚮以微封爵故
止封為侯而不公及楊憲為相永忠與相比附憲誅
永忠以功大得免八年三月坐僭用龍鳳諸不法事
賜死于權十三年嗣侯從傳將軍征雲南守畢節及
濠州召還十七年卒福王時追謚永忠武勇
勤市無臣皆所賦選也忘艱血戰積功甚偉乃並以

失帝意弗獲考終何歟永忠坐服飾致辟於法尤弗
虎豈非以爪步之風嫌耶論者固頗疑之矣

明史卷一百六十四

列傳第十五

藍

王曹震

張翼

朱壽

曹興

藍王定遠人開平王常遇春婦弟也以故隸遇春帳下臨敵勇敢遇春數稱於太祖太祖亦以遇春故特寵遇之由管軍鎮撫積功至都督僉事洪武十一年同西平侯沐英討西番擒其酋瘞素子斬獲以千計得馬二萬餘匹牛羊十餘萬頭師還封永昌侯食祿二千五百石子世壽十四年以征南右副將軍同穎川侯傅友德率師征雲南擒故元平章達里麻於曲靖梁王杞匝剌瓦滿密走死滇地悉平王功為多蓋

祿五百石冊其女為蜀王妃二十年以征虜左副將
軍同宋國公馮勝北伐王秉大靈輕騎襲敵於慶州
殺其平章果來擒其子不蘭溪大獲人馬而還師進
至金山元丞相納哈出遣使詣大將軍營納款王往
受降納哈出以數百騎至王大喜飲以酒納哈出飲
醉王解衣衣之曰請服此而飲納哈出不肯服王
亦不飲爭讓久之納哈出獲酒於地顧其下咄咄語
將脫去常茂直前縛之擁以見勝其衆驚潰王追至
亦迷河悉降之曉聞郡軍中拜王為大將軍時順帝
祿脫古思帖木兒立為可汗出沒塞上二十一年四

月命王率師十五萬討之。出大寧至慶州。謀知脫古思帖木兒在捕魚兒海間。道兼程而進。至百眼井。去海四十里。不見敵。欲引還。定遠侯王弼曰：「吾輩提十餘萬衆深入漠北。無所得。遽班師。勞人費財。何以復命？」王曰：「然。今諸軍穴地而鑿。毋見煙火。乘夜至海南敵營。尚在海東北八十餘里。」王令弼為前鋒。疾馳薄其營。敵始謂我軍乏水草。不能深入。不設備。又大風揚沙。盡晦。軍行敵無所覺。猝至。前大驚。迎戰。敗之。殺其大尉蠻子等。降其衆脫古思帖木兒與其太子天保奴數十騎遁去。王以精騎追之。不及。獲其次子地。

保奴太子妃公主等百二十餘人又追獲吳王朵兒只代王達里麻及平章以下官屬三千餘人男女七萬七千餘人寶璽符勅金牌金銀印若干馬駝牛羊十五萬餘焚其甲仗蓄聚而還奏捷京師帝大喜賜勅褒勞此之衛青李靖又破哈剌章營獲人畜六萬師還進封涼國公二十三年施南忠建二宣撫司蠻叛命王討平之又平都勻安撫司散毛諸峒並祿五百石詔還鄉二十四年命王理蘭州莊浪等七衛兵以追逃寇祁者孫遂畧兩番罕東之地土酋哈答等遁去會建昌指揮使月魯帖木兒叛詔移兵討之至

則都指揮翟能等已大破其衆月魯帖木兒走柘興
州王遣百戶毛海以計誘縛其父子送京師誅之而
盡降其衆因請增置屯衛報可復請籍民爲兵討朵
甘百夷詔不許遂班師王長身頰面饒勇略有大將
材中山開平既沒數總大軍多立功太祖遇之厚浚
騎塞自恣多畜莊奴假子乘勢暴橫常占東昌民田
御史按問怒逐御史北征還夜叩喜峯閤閤吏不時
納玉繼兵毀閤而入又嘗私元主妃事聞妃自經死
帝切責王仍錮其過於泰王猶不悛侍坐宴語舉止
傲慢在軍擅點陟將校進止自專帝數加譙讓王益

怏怏西征還命為太子太傅王不樂居潁宋兩公下
曰我不堪為太師耶何太傅也此奏事多不聽無何
錦衣衛指揮蔣瓖告王謀反下吏鞠訊獄辭謂王同
景川侯曹震鶴慶侯張翼舳舳侯朱壽東筦伯何榮
及吏部尚書詹徽戶部侍郎傅友文等謀為變將以
二十六年二月十五日伺帝出籍田舉事獄具族誅
之諸微侯以下坐黨夷賊者不可勝數手詔布告天
下條列爰書為逆臣錄至九月乃下詔曰藍賊為亂
謀泄族誅者已萬五千人自今胡黨藍黨聚赦不問
於是元功宿將盡矣凡列名黨錄者一公十三侯二

伯葉罪前坐事誅常昇胡王諸小侯皆別見其曹震
張翼張溫陳桓朱壽曹興六侯附著左方

曹震漢人從太祖起兵累功至指揮使隨沐英征西
番論功封景川侯歲祿二千石從藍玉征雲南分道
取臨安諸路至威楚降元平章闊乃馬歹等雲南平
因請封客美散毛諸洞蠻及西番朵甘思曩日諸族
詔不許又請以四川貴州二都司所易番馬分給陝
西河南將士又言四川至建昌驛道經大渡河往來
多死瘴癘詢問父老自眉州裁眉至建昌有古驛道
平易無瘴毒請以溫江至建昌驛馬移置我眉新驛

為便從之洪武二十一年與葉昇分討東川叛蠻平之俘獲五千餘人尋復命理四川軍務同監王穀征南軍士會永寧宣慰司言所轄地有百九十灘其八十餘灘道梗不利詔震䟽治之震至瀘州按視有枝河通永寧乃鑿石削崖令深廣以通漕運又聞陸路作驛舍郵亭駕橋立棧自茂州一道至松潘一道至貴州以達保寧先是行人許穆言松州土地硠瘠不宜屯種戍卒三千糧運不給請移戍茂州俾就近屯田帝曰松州控制兩番不可動也軍士糧餉令附近州縣辦給至是運道既通松潘遂為重鎮帝嘉其勞

踰年復奏言四事其一請於雲陽大寧之境就井煮
鹽募商輸粟以贍邊儲其一令商入粟雲南建昌給
以重慶綦江市馬之引其一請蠲馬湖逋租其一施
州衛軍儲仰給湖廣溯江險遠請下重慶之粟順流
輸之皆報可震盡心民事在蜀久諸所規畫並極周
詳蜀人德之藍玉敗謂與震及朱壽誘指揮莊成等
謀為不軌太祖諭列黨逆以震為首並其子炳謀之
張翼臨淮人父聚以前翼元帥從平江南淮東積功
為大同衛指揮同知致仕翼隨父軍中號勇善戰以
副千戶嗣父職從征陝西擒叛寇擢都指揮僉事進

倉都督府事從藍玉征雲南克普定曲靖取鶴慶虎
江勦七百房山寨擒劍川擊石門論功封鶴慶侯歲
祿二千五百石予世券久之坐玉黨誅死

張溫不詳何許人從太祖渡江授千戶從平武昌摧
統軍元帥從平張士誠摧天策衛指揮倉事從大將
軍徐達收中原克陝西攻下蘭州守之元將擴廓偵
知大將軍南還自甘肅率步騎奄至諸將請固守溫
曰彼遠來未知我虛實乘暮擊之可挫其銳彼不退
守以待援未晚也於是整兵出戰擴廓兵少却已而
復進圍城數重溫敍兵固守擴廓急攻之不能下乃

引去太祖稱爲奇功擢大都督府僉事已又命兼陝
西行都督府僉事當蘭州之受圍也擴廓兵以夜梯
城而登千戶郭佑方被滴卧不之覺他將巡城者擊
退之圍既解溫將斬佑天策衛知事朱有聞入爭曰
當賊犯城時將軍能斬佑以令衆此所謂軍法也將
士無敢議者今賊既退矣始追慘之不惟無及於事
且當省擅殺名竊以爲不可溫謝曰非君不聞是言
也遂杖佑釋之帝聞而兩善焉并賞有聞綺帛其明
年命溫以叅將從平蜀十一年又命以副將從討西
羌俘獲人畜無算明年封會寧侯祿二千石又明年

命往理河南軍務十四年從征雲南二十一年從北
伐皆有功後以居室器用僭上獲罪遂坐監獄死
陳桓澤人從克滌和渡江克集慶先登從取寧國金
華戰龍江彭蠡收淮東浙西平中原累授都督僉事
洪武十四年從傅友德征雲南與胡海郭英率兵五
萬由永寧趨烏撒道險隘自赤河進師與烏撒諸蠻
大戰敗走之再破芒部土酋走元右丞寶卜遂城烏
撒降東川烏蒙諸蠻進克大理畧定汝寧靖寧諸州
邑師還封普定俸食祿二千五百石予世券同靖寧
侯征東川龍海俘獲甚衆就令總制諸軍屯雲南

還坐黨死

朱壽未詳何許人以萬戶從渡江下江東郡邑進總
管收常璽克武昌平蘇湖轉戰南北積功為都督倉
事與張赫督漕運有功封勳驍侯子世恭太祖榜列
勳臣未有總兵之名而論舊封者十九人壽與焉其
後竟坐黨死

曹興一名興才未詳何許人從平武昌授指揮倉事
取平江進指揮使平中原進都督倉事洪武十一年
從藍玉討洮州羌降朵甘兩驍三副使等師還封懷
遠侯世襲指揮使理軍務山西從北征有功後數年

坐黨死同時以黨連坐者都督則有黃路楊泉馬俊
王誠龔緯王銘許亮徐司馬謝熊汪信蕭用楊蕃張
政魏哲陶文節馬元十六人並坐部下偏裨於是
勇武健之士莫敢露軍有存者

論曰主之勦伐不在衛霍下太祖遇之亦既優矣無
何寵極而忘自作非時帝嬰戾城之禍一時受害連
及無乃太多雖則帝用法特峻亦主革有以致之也
傳曰人臣無將可勿裁哉

明史卷一百六十五

列傳十六

吳良

弟禎

耿炳文

郭

英

五世孫勛

康茂才

子鐸

何真

吳良定遠人初名國興賜名良氣岸雄偉性剛直與
弟禎俱以勇畧聞太祖起濠梁良兄弟從並為帳前
先鋒良能沒水偵探禎每易服為間謀從取滁州克
和陽常先驅戰數有功從渡江興元兵戰于米石拔
其營未勝克太平尋下溧水溧陽從定集慶戰功多
又從徐達克鎮江下常州以功進鎮撫守丹陽與趙
繼祖等取江陰張士誠據秦望山良攻破之奪其山

遂克江陰以良為指揮使守之時士誠據全吳跨有
淮東浙西兵精食足江陰當其衝要枕大江扼南北
襟喉之地士誠又多變詐數以金帛啗將士窺造變
良行太祖諭之曰彼以其詐我以吾誠江陰我東南
屏蔽汝鎮守封疆約束士卒毋外交毋納逋逃毋貪
小利毋與爭鋒惟保境安民而已良奉約惟謹遣脩
修飾以收敵功進樞密判官士誠大舉兵來寇滕
蔽江其將蘇同愈駐君山指畫進兵良曰彼衆我寡
當以計破之乃遣弟禎出北門整兵與戰而潛遣元
帥王于明率壯士馳出南門合擊大破之俘斬甚衆

敵宵遁尋復寇常州良遣兵從間道殲其援兵於無錫敵狼狽走當是時太祖歎自將爭江楚上流與陳友諒角大軍屢出金陵空虛士誠不敢北出侵軼寸土似良在江陰為屏蔽也良仁恕不妄刑殺性儉約食不兼味聲色貨利無所好夜宿城樓枕戈達旦訓將練兵常如寇至暇則延儒生講論經史新學宮立社學誦誦相聞大開屯田均徭省賦在境十年封疆晏然太祖嘗召良勞曰吳判官保障一方使吾無東顧憂其功甚大車馬珠玉不足以旌其勞命學士宋濂等為詩文美之仍遣還鎮尋大發兵取淮東克泰

州吳師援出馬歇沙侵鎮江巨艦數百沂流而上良
戒嚴以待太祖親督大軍禦之吳師遁追至巫子門
良出兵夾擊大破之獲卒二千太祖詣江陰勞軍周
巡壁壘歎曰良今之吳起也吳平加昭勇大將軍蘓
州衛指揮使移鎮蘓州武備益修軍民輯睦進都督
僉事洪武三年授開國輔運推誠宣力武臣榮祿大
夫柱國同知大都督府事封江陰侯食祿一千五百
石予世券五年廣西蠻叛以良副征南將軍鄧愈分
道討之數月盡平左右兩江及五溪之地移兵入銅
鼓五開收潭溪開大平鐵清洞岸山之衆於銅關鐵

寨古州八萬之蠻皆震懼內附粵西遂平八年督田
鳳陽十二年齊王封青州命良往建王府納其女為
王妃十四年卒于青年五十八贈江國公謚襄烈子
高嗣侯屢出山西北平河南練兵從北征二十八年
有罪調廣西從征趙宗壽燕師起高守遼與楊文數
出師攻永平燕王患之謀去高曰高雖怯行事差密
文勇而無謀去高文無能為也乃遣人遺二人書盛
譽高極詆文故易其函授之二人得書並以聞建文
帝果疑高削爵徙廣西獨文守遼東竟敗永樂初復
召高鎮守大同上言併遣方略八年帝北征班師高

稱疾不朝被劾廢為庶人奪券洪熙元年帝見高名
曰高往年多行無禮其謫戍海南高已死徙其家會
赦得釋宣德十年子昇乞嗣不許

吳禎良之弟初名國寶賜名禎與良俱從太祖於濠
從克滁和從渡江克采石攻蠻子海牙水寨破之又
破方山營遂從定集慶下鎮江廣德常州宣城江陰
皆有功又從常遇春自銅陵進攻池州以舟師抵城
下毀其北門遂入其城既而敵艦百餘來攻獲大敗
之遂克池州積功由張前都先鋒累遷為天興翼副
元帥以千人助良守江陰數敗吳兵破士誠水寨擒

其驍將朱定標、英武衛親軍指揮使又大破吳兵于
平子門。從大將軍徐達率馬步舟師取湖州。禎勅奇
兵出舊館，戰大捷。湖州平，遂戍之。從圍姑蘓，破荊
二門，進食大都督府。事撫蘓州，尋為征南副將軍。同
湯和討方國珍，引舟東溯，夜入曹娥江，毀壩，通道出
不意，直抵車廐。國珍亡入海，禎追及之盤嶼，合戰自
申至戌，敗之，盡獲其戰艦人馬輜重，而還。國珍降，復
自海道進，取福州，圍其西南水部三門，一鼓克之。洪
武元年，進兵破延平，擒陳友定。閩海悉平，還次昌國。
會海寇聚剽，蘭秀山勦平之。兼率府副使，尋為吳王。

左相兼參大都督府事二年大將軍徐達既平陝西
還禎與副將軍馮宗異駐慶陽三年命為靖海將軍
練軍海上其冬封靖海侯食祿千五百石予世券五
年詔大發兵戍定遠命禎總舟師數萬由登州轉運
以餉之海道險遠經理有方兵食無乏完城練卒盡
收遼海未附之地尋召還七年海上有警復總江陰
四衛舟師出捕倭至琉球大洋獲其人船獻俘京師
自是常往來海道總理軍務數年海上無寇十一年
奉詔出定遠得疾與還京師明年卒追封海國公謚
襄毅與良俱肖像功臣廟予忠嗣侯二十三年追論

積胡黨爵除

耿炳文濠人父君用從太祖渡江積功為管軍總管
援宜興與張士誠將爭柵力戰死炳文襲職遂領其
軍取廣德進攻長興敗士誠將趙打虎獲戰船三百
餘艘擒守將李福安等遂克長興長興據太湖口陸
通廣德連壤宣徽為浙江門戶太祖既得其地大喜
改為長安州立永興翼元帥府以炳文為總兵都元
帥守之溫祥鄉者多智數避亂來歸炳文引入幕府
畫守禦計甚悉亡何士誠左丞潘元明元帥嚴再興
率師來爭炳文奮擊大敗去久之士誠復遣司徒李

伯昇率衆十萬水陸進攻而城中兵僅七千太祖患之命陳德華高資聚三將軍往援此至伯昇兵夜起營諸軍皆潰炳文嬰城固守伯昇設檣櫓下瞰城中運土填壕縱火船燒水關攻甚急炳文隨方禦之晝夜不解甲者月餘援兵復集伯昇棄營遁炳文未之追斬五千餘人其明年改永興翼元帥府為永興衛親軍指揮使司以炳文為指揮使已而士誠大發兵遣其弟士信復來爭炳文又敗之獲其元帥宋興祖士信憤益兵圍城炳文與費聚出戰又大敗之長興為士誠必爭地炳文拒守凡十年以寡禦衆大小數

十戰戰無不勝士誠迄不得逞大軍伐士誠炳文將
所部克湖州圍平江吳平進大都督府僉事從征中
原克山東沂嶧諸州下汴梁徇河南尾駕北巡已又
同常遇春取大同克晉冀從大將徐達征陝西走李
思齊張思道即鎮其地浚涇陽洪渠十萬餘丈民賴
其利尋拜秦王左相都督僉事洪武三事封長興侯
食祿一千五百石予世券十四年從大將軍徐達出
塞破元平章乃兒不花於北黃河十九年同穎國公
傅友德征雲南討平曲靖蠻二十一年同永昌侯藍
玉北征至捕魚兒海三十五年總兵平陝西徽州妖

人之亂三十年以征西將軍擒蜀寇高福興俘其衆
三千人始炳文守長興功最高太祖榜列勲臣以炳
文附大將軍達為一等及洪武末年諸通侯且盡惟
炳文以元功宿將為朝廷所倚重建文改元燕王兵
起帝命炳文為大將軍同副將軍李堅寧忠帥師北
伐時炳文年六十有五兵號三十萬而坐者十三
萬也八月己酉次真定分營濟沱河南北當是時都
督徐凱軍十萬駐河間滿忠楊松駐鄭州而其先鋒
九千人駐雄縣壬子望雄縣軍以中秋不設備燕王
乘夜渡白溝河襲破縣城九千人皆獲殘忠等未援

過月漾橋半渡伏發水中忠松俱被執不屈死並失
鄭州而炳文部將張保者降燕脩告南軍虛寔燕王
縱保歸使張言雄鄭敗狀謂北軍且至於是炳文移
河南軍渡河並力當敵軍甫移燕兵驟至循城蹙擊
炳文軍不得成列敗入城爭門門塞自相斫而入陷
籍死者不可數計堅忠及都督顧成都指揮劉遂皆
為燕所擒燕兵遂圍城炳文衆尚十萬堅守不出燕
王知炳文老將未易下也越三日遂解圍還北平而
帝驟聞炳文敗績憂甚謂太常卿黃子澄曰孰堪代
將者對曰李景隆可使奏用景隆不至此遂以景隆

為大將軍秉傳代炳文比至軍燕師已先一日退去
炳文受代歸景隆遂將其軍再戰再敗以至於亡燕
王稱帝之明年刑部尚書鄭賜都御史陳瑛劾炳文
衣服器皿有龍鳳飾玉帶用紅鞋僭妄不道炳文懼
自殺子璿前軍都督府都督僉事尚懿文太子長女
江都郡主建文元年進郡主為公主璿為駙馬都尉
炳文北伐璿常勸直搗北平已而炳文受代歸不復
用璿憤甚永樂初杜門稱疾不出坐罪死公主復稱
郡主以憂卒璿後軍都督僉事與江陰侯吳高都指
揮楊文率遠東兵圍永平不克退保山海關無何高

被間徙廣西文守遂來嶽數訪攻永平以勸北平文
不聽後與弟尚寶司卿璫皆坐罪死福王時追謚炳
文武愍

郭英華呂侯子興弟也年十八興子興同事太祖太
祖尤親信之令直宿帳中呼為郭四從克滁和采石
太平破陳兆先取集慶下鎮江常州廣德寧國江陰
柱無錫傷右臂破常熟傷左足戰安慶傷左臂攻高
郵弩傷右膝取隆興援安豐功皆多大戰鄱陽湖相
持連晝夜英金創未愈乘海船屢戰敗敵於涇江口
恩為友諒中流矢死或以為英功太祖問之英曰天

威震強臣何力之有由是益重之從征武昌戰你安
門又傷手足陳氏驍將陳同僉持槩突入中軍太祖
方坐胡床達呼曰郭四為吾殺賊英奮臂一呼賊應
戈殲矣祖解所御戰袍衣之攻岳州敗其援兵還克
廬州襄陽授驍將衛千戶克淮安濠州安豐進指揮
僉事從徐達破沂州益都獲王宣克濟南東昌獲中
俞二平章克汴梁河南連敗元兵取陝州潼關回軍
渡河取彰德廣平大戰河西務平章朵兒只進巴等
敗走至通州元人深溝高壘為持久計衆請速攻英
曰吾師遠來敵以逸待勞速攻非我利也宜出不意

破之翼日大霧英設伏道傍以精騎薄城下誘之元
將國公五十八率敢死士萬餘張兩掖出英與戰良
久佯敗敵追之伏起截其軍為兩敵衆亂斬首數千
級擒元宗室李羅梁王遂克通州元王北遁徇下永
平真定定州從常遇春攻太原擴廓軍城西英憑高
望之謂遇春曰敵兵多而不整營大而無備可夜劫
也遇春然其計乃遣五十騎伏城東十里約舉火鳴
砲為應至夜英率十餘騎潛入其營火舉砲發伏兵
應之敵軍駭亂自相蹂藉遇春引兵乘之擴廓棄城
走下興州大同至沙淨州擒竹平章渡河取西安鳳

翔舉昌慶陽進敗賀宗哲於亂山遷本衛指揮副使
進克定西討察罕腦兒克登寧州斬首二千級進河
南都指揮使時英女弟為寧妃英將赴鎮命寧妃餞英
于第賜白金二十罌廐馬二十匹在鎮綏輯流亡申
明約束境內大治九年移鎮北平十三年召還進前
軍都督府僉事十四年從潁川侯傅友德征雲南與
陳桓胡海分道進兵道險隘諸將欲深入英曰破敵
貴先聲攻取必自近始舍近圖遠非策也乃先攻赤
水河路時久雨河水暴漲英曰賊方恃漲不意吾濟
今諸軍斬木為筏乘夜以濟比曉抵賊營賊驚大潰

擒烏撒并阿容等進攻曲靖陸涼越州聞索嶺椅子
寨皆克之降大理金蓋廣南平諸山寨十六年從顏
國公傅友德平蒙化鄧川遂自金沙濟取北勝鹿江
前後斬首一萬三千餘級生擒二千餘人收精兵人
馬數萬船千餘艘十七年論平雲南功封武定侯食
祿二千五百石予世券十八年加靖海將軍鎮守連
東二十年從大將軍馬勝北伐納哈出降進征虜右
副將軍從藍玉至捕魚兒海斬獲無算師旋厚賞賚
遣還鄉明年召入京命典禁兵三十年川陝寇發以
英為征西將軍往討平之及還御史裴承祖劾英私

養家奴百五十餘人又擅殺男女五人宜罪帝以英
功臣弗問僉都御史張泰等執奏不已乃命諸戚里
大臣議其罪議上竟宥之于是英年六十餘矣自起
兵以來大小百餘戰重傷數十金創遍體陰雨輒痛
每有征討聞命即行未嘗以老疾辭建文時從耿炳
文李景隆伐燕靖難後罷歸第永樂元年卒贈營國
公謚威襄英孝友通書史行師有紀律一錢尺帛無
所私以忠謹見親于太祖又以女弟貴幸恩寵尤渥
諸功臣莫敢望焉子十二人鎮尚永嘉公主銘連府
典寶輔中軍右都督女九人二為連郅王妃女孫為

仁宗貴妃銘所出也。以妃故，銘予珪得嗣侯。宣德中，珪署宗人府事，奪河間民田廬，又奪天津屯田千畝，罪其奴宥。珪英宗初，永嘉公主乞以其子珍嗣侯。珍，英嫡孫也。與錦衣衛指揮僉事珪卒子聰與珍爭嗣。侯並停嗣，亦與聰、錦衣衛指揮僉事天順元年。珍子昌，以詔恩得襲聰爭之，不得。昌卒，子良當嗣。聰又言良非昌子也，得嗣與指揮僉事以屢乞嗣，下獄尋復其官。既而郭宗人共乞擇英孫一人嗣侯，廷臣皆言良本英世嫡，玄孫竟與良嗣。正德初，卒子勛嗣。勛集賢有智數，頗涉書史。正德中，鎮兩廣，入掌三千

世宗初掌團營上疏請賜勅書得行新法不許時
楊廷和當國勅不得志既而大禮議起勛揣上意首
右張璁璁初入朝為廷臣所噪走勛第勛常遇之且
曰上意已定但堅持之終必勝因排羣議左右璁世
宗大愛幸之大禮成並驕自恣怙帝寵凌轢公鄉黨
貨無厭受賕請託陰探短長中傷人首輔楊一清深
惡之因其納賂事覺罷營務奪保傅官階勛遂傾一
清逐之無何仍總五軍營董四郊興造明年督團營
又明年兼領後府從幸承天有言獻皇宜入廟稱宗
者勛揣帝意請以五世祖英侑享太廟廷臣持不可

侍郎唐書元明切帝不聽英竟得侑享其明年獻
皇遂稱宗入太廟進勛朔國公加太師時鎮守中官
已盡革勛請復設并乞開礦稅帝欲從之給事中朱
隆禧疏諫乃止先是妖人李福達自言能化藥物為
金銀勛與相暱福達敗勛力持其獄廷臣多得罪者
無是復進方士陔朝用于帝以其所化金銀為飲食
器云可得永死帝益以為忠給事中戚賢劾勛擅作
威福罔利虐民田園甲第徧天下勛疏辨詔慰諭之
也而給事中李鳳來等復以為言下有司勘勛京師
府倉多至千餘巨副都御史胡守中復劾勛以族叔

郭憲理刑東廠肆虐無辜勛疏自理帝已置弗治會
帝用言官言給勛勅與兵部尚書王廷相遂安伯陳
謏同清軍役勛心不便之勅具久不領言官劾其作
姦植黨勛抗疏言臣姦何事臣黨何人且云何必更
勞賜勅帝乃大怒責其強悖無人臣禮於是給事中
高時盡發勛姦利事止官交通張延齡帝益怒下勛
錦衣獄尋諭鎮撫司念勛曾贊大禮勿加刑訊奏上
當勛罪斬帝以奏當不明令法司覆勘而給事中劉
大夏復劾勛亂政十二罪請併治之法司乃盡實諸
疏中罪狀當勛罪統帝令詳議法司更當勛不執罪

新沒入妻挾田宅奏上留中不下帝意本欲寬勛屢
示意指而廷臣惡勛甚膠為不喻指者更坐勛重辟
帝格於公論無如之何明年考察言官時旨貶高時
二級以風廷臣廷臣終莫為勛請寬者其冬勛竟死
獄中帝憐之為停是歲決囚貢法司淹繫褫刑部尚
書吳山職侍郎都御史以下錮降有差而免勛籍沒
僮奪諸券而已自明興以來勲臣不與政事諸嗣侯
驕佚放縱有之無統朝權者惟勛挾恩寵肆為姦惡
身死而天下快之勛死數年其子守乾請襲爵世宗
援祖功許之守乾竟得嗣傳至曾孫培民崇禎末京

師陷死於賊

康茂才字壽卿，新人。元末寇亂，陷蕪，結義兵保御里，立功為淮西宣慰使都元帥。太祖既渡江，將士家屬留和州，慮茂才扼采石，數攻之，弗克。後常遇春遣游兵撓之，設伏殲其精銳。茂才復立寨天寧洲，又破之。奔集慶，太祖克集慶，又奔鎮江。舟師追及之，率餘兵三千降。頃首言：「前日之戰，各為其主，今日屢敗，天也。」願歸死效。尺寸。太祖釋之，命統所部從征，授秦淮翼水軍元帥，守龍灣，取江陰、馬駝、沙張、士誠，來攻擊走之，獲其樓船。從廖永安攻池州，取樞陽。太祖以軍興

氏失農業命茂才為都水營田使修水利興屯田仍
兼帳前總制親兵左副指揮使陳友諒既破太平將
窺應天太祖知茂才與友諒舊密令紿之茂才遣老
閹舊事友諒者齎書偽降約為內應友諒得書果大
喜問康公安在曰見守江東橋曰橋何如曰木橋也
乃遣還謂康公吾即至至則呼老康閹歸茂才白太
祖太祖曰賊入吾彀中矣一夕易橋以鉄石友諒至
見橋愕然連呼老康莫應大驚曰老賊紿我却至龍
灣伏兵四起茂才令諸將奮擊大破之降其將張志
雄等得士卒二萬友諒走於其舟卧席下得茂才書

太祖嘉茂才功賜資甚厚明年太祖親征友諒茂才
以舟師從擊安慶破江州友諒西遁遂下蘄州興國
漢陽沿流克黃梅寨取瑞昌敗友諒八陣指揮友諒
勢遂衰遷帳前親兵副都指揮使攻左君弼廬州又
從太祖援龍興大戰彭蠡破殺陳友諒降陳理皆有
功擢金吾侍衛親軍都護府副都護從大將軍徐達
下廬州克安豐繼取江陵及湖南諸州改神武衛指
揮使進大都督府副使士誠兵攻江陰鎮江太祖自
將擊之茂才追北至正子門獲士卒三千擄淮安馬
騾港拔其水寨淮安平尋拔湖州進逼蘄州士誠遣

銳卒迎關大戰尹山橋茂才持大戰督戰銳卒盡獲
進圍其城諸將分門而軍茂才軍北門平江下還軍
取無錫州遷同知大都督府事兼太子右率府使從
大將軍經畧中原定齊魯溯河取汴梁下洛陽興都
督馮勝分兵西下陝州元將脫脫帖木兒棄城遁茂
才留守規運饋餉造浮橋渡師鎮河中撫綏瘡痍民
立石頌德招徠絳解二州扼潼關秦兵不敢東陝西
平移鎮山西復從大將軍征漢中還軍道卒追封新
國公謚武義肖像功臣廟于鐸

鐸字伯聲年十歲入侍皇太子請書大本堂以父功

封新春侯食祿一千五百石予世券督民墾荒鳳陽
率兵征辰州峒獠平施疊諸州從大將軍徐達北征
從征南將軍傅友德征雲南克普定破華楚山諸砦
卒於軍年二十三追封新國公謚忠愍子淵幼未襲
授散騎舍人已而草冠服勒居山西遂不得嗣弘治
末錄茂才後為世襲千戶

何真字邦佐東莞人少英偉好書劍元至正初為河
源縣務副使轉淡水場官棄官養母海盜邵宗愚反
元帥府選真領前鋒討之為同事者所忌後辭歸聚
衆保鄉里十四年縣人王成陳仲玉作亂真赴元帥

府以告帥受成賂反捕真逃居坵岡舉兵攻成不克
久之惠州人王仲剛與叛將黃常據惠真檄走常殺
仲剛遂有循惠二州乃授惠陽路同知廣東都元帥
邵宗愚陷廣州殺守將真以兵復其城權廣東分省
泰政宗愚再陷廣真再復之累進江西福建行省右
丞仍治廣賴州熊天瑞引舟師數萬欲圖真真迎之
胥江會天晝晦大雷雨震折天瑞舟橋軍不得進真
遂檣走之廣人賴以完先是真再攻王成誅陳仲玉
克其餘砦而成卒固守二十六年復率兵圍成募能
禽成者予鈔十千成奴遂縛之以出真既如數予之

鈔卽命具湯鑊置車上趣京奴使數人鳴鼓推車就
於衆曰四境有奴叛王者視此於是衆皆悅爭趨歸
之緣海叛衆皆降是時中原大亂嶺表隔絕有勸其
效尉陀故事者真不聽累遣使由海道貢方物於朝
元累進資德大夫行省左丞洪武元年太祖命廖永
忠為征南將軍率舟師取廣東永忠至福州先使使
以書諭真遂航海趨潮州師既至真遣都事劉克佐
詣軍門上其印章籍所部郡縣戶口兵糧奉表以降
永忠聞於朝賜詔褒真曰朕惟古之蒙傑保境安民
以待有德若實融李勣之屬擁兵據險角立羣雄之

間非真主不屈此漢唐名臣於今未見朕方興嘆爾
真連數郡之衆乃不煩一兵不費一錢保境未歸雖
實李英讓馬茲者驛召來庭錫爾名爵用旌爾功於
是永忠抵東莞真率官屬迎勞遂奉詔入朝權真江
西行省叅知政事且諭之曰天下紛爭所謂豪傑有
三易亂為治者上也保民達變知所歸者次也負固
偷安身死不悔斯其下矣卿既輸誠納土不逆顏行
信可謂識時務者真叩首謝之官頗著聲望尤喜儒
術平居讀書綴文無虛時已復轉山東叅政尋命還
廣東收集舊卒事竣仍蒞山東久之致仕朝朔望大

軍征雲南命真偕其子兵馬指揮貴往規畫軍餉置
郵驛還山西右布政使再興貴勾軍廣東擢貴鎮南
衛指揮僉事尋命真為浙江布政使改湖廣復致仕
封東莞伯祿一千五百石于世券子榮嗣與弟貴及
尚寶司丞宏皆坐藍黨死真弟迪疑禍及遂作亂祖
擊殺南海官軍三百餘人遁入海島廣東都司發兵
討之迪敗被獲伏誅福王時贈真東莞侯謚恭靖
論曰良於江陰頑於遼海炳文於長興皆以守為戰
者也功並最焉然炳文以宿將而屈於燕柳又何居
英號稱忠謹矣驕縱如勛不辱乃祖乎而備享則不

為過也茂才與真俱明於順逆之勢矣以計敗漢茂
才功尤著云